



千金方行義

中武 9
176
30



明 176
掃 30
卷



孫真人千金方衍義卷二十三

長洲張璐路玉著

南沙席世臣郢客校

痔漏方 凡五類

九漏第一 論一首 方八十三首 灸法十六首

論曰夫九漏之為病皆寒熱瘰癧在於頸腋者何氣使生此皆鼠瘦寒熱之毒氣堤畱於脈而不去者也鼠瘦之本皆根在於臟其末上出於頸腋之上其浮於脈中而未著於肌肉而外為膿血者易去去之柰何曰請從其末引其本可使衰去而絕其寒熱審按



其道以予之徐往來以去之其小如麥者一刺知三
刺已決其死生奈何曰反其目視其中有赤脈從上
下貫瞳子見一脈一歲死見一脈半一歲半死見二
脈二歲死見二脈半二歲半死見三脈三歲死赤脈
不下貫瞳子者可治也

凡項邊腋下先作瘰癧者欲作漏也宜禁五辛酒麪
及諸熱食凡漏有似石癰累累然作瘰癧子有核在兩
頸及腋下不痛不熱治者皆練石散傳其外內服五
香連翹湯下之二方並見二十一卷癰疽門已潰者治如癰法諸
漏結核未破者火鍼鍼使著核結中無不瘥者何謂

九漏一曰狼漏二曰鼠漏三曰螻蛄漏四曰蠱漏五
曰蚘蟬漏六曰蟻螬漏七曰浮沮漏八曰瘰癧漏九
曰轉脈漏

空青商陸散 治狼漏始發於頸腫無頭有根起
於缺盆之上連延耳根腫大此得之憂恚氣上
不得下其根在肝一作肺空青主之商陸為之佐

方

空青

蝟腦各二 蝟肝一具

商陸

獨活 黃芩

當歸

乾薑 婦人蔞艸

鱉甲

蟹螯

地膽

茴香

礬石各一分

芎藭半分

蜀椒三十粒

右十六味治下篩酒服方寸七日三服十五日服之

衍義膏讀內經僅有鼠瘻寒熱而無九漏之名詳推受病之源多由憂恚所致屬於肝腎居多再參千金瘰癧一一定名何漏因於何病屬諸何臟言雖鑿鑿不無砭砭混玉之疑如狼漏之毒根於肝而用空青商陸散首取空青利竅通津佐以商陸利水

導氣然在始病元氣未漓者庶為合宜更取蝟肝蝟腦入肝追毒蟻螫地膽攻堅破血礬石滌除腐穢一皆瞑眩之藥其餘芎歸苓獨鱉甲茴香椒薑之屬藥雖稍平不過為空青等味之助力至用萆草其義未詳

狸骨知母散 治鼠漏始發於頸無頭尾如鼯鼠使人寒熱脫肉此得之食有鼠毒不去其根在胃以狸骨主之知母為之佐方

狸骨

知母

桂心

鮫鯉甲

山龜殼

雄黃

甘艸

乾薑 等分

右八味治下篩飲服方寸七日三仍以蜜和內瘡中無不瘥者先灸作瘡後以藥傅之已作瘡不用灸

衍義

狸專捕鼠鼠漏用之每效故用狸骨佐以知母龜殼鯉甲薑桂雄黃都是腎家辟除邪毒之藥方下雖言其根在胃而後方之用鼠灰亂髮地黃膏傅並屬腎藥恐是腎字之誤亦未可知以二字形頗相似也

治鼠漏方

用蛇虺所吞鼠燒末服方寸七日二不過三服此大有驗但難得耳并傳瘡中佳

又方

死鼠 一枚中形者

亂髮 如雞子大一枚

右二味以臘月猪脂煎令消盡膏成分作二分一分稍稍塗瘡一分稍稍酒服之瘥鼠子當從瘡中出良

地黃膏 治鼠漏瘡瘥復發及不愈出膿血不止

方

以不中水猪脂咬咀生地黃內脂中令脂與地

黃相淹和煎六七沸其瘡先用桑灰汁洗去惡
次以地黃膏傅上日一易

衍義并見狸骨知母散內

荏子桔梗丸 治螻蛄漏始發於頸項狀如腫此
得之食瓜果實毒不去其根在大腸荏子主之
桔梗為之佐方

荏子

龍骨 各半兩

附子 一兩

蜀椒

白粒

桂心

桔梗

乾薑

礬石

獨活

芎藭 各一分

右十味為末以棗二十枚合搗醋醬和丸如大豆
溫醬下五丸加至十九

衍義

荏子芳香遍達肺氣佐以桔梗開提胸膈更兼椒
薑桂附辛溫破結獨活芎藭祛風活血礬石滌垢
龍骨收津使不隨辛溫耗散深得散中寓斂之義
雄黃黃芩散 治蜂漏始發於頸瘰癧三四處俱
相連以潰此得之飲流水中有蜂毒不去其根
在脾雄黃主之黃芩為之佐方

雄黃

黃芩 各一兩

蜂房 一具

茴香

吳茱萸

乾薑 各半兩

蜀椒二百粒

鱉甲一枚

右八味治下篩傳瘡口上日一度十日止

衍義

蜂漏用雄黃黃芩解毒清熱仍取蜂房助之其餘
椒薑茛菪輔雄黃以破陰毒鱉甲輔黃芩以泄旺
氣此雖外治之方未嘗不可內服

礬石防風散 治蚬蟬漏始發於頸初得之如傷

寒此得之食中有蚬蟬毒不去其根在腎礬石
主之防風為之佐方

礬石 防風 知母

雌黃 桃白皮 乾地黃

獨活 青黛 盤螿

白芷 一作松脂 芍藥

海藻 當歸 各二分 白朮

蝟皮 各四分 蜀椒 百粒

右十七味治下篩飲服一錢七日三

衍義

本經言礬石治寒熱鼠瘻死肌風痺腹中堅癖邪
氣諸臟腑經絡無不達之佐以防風開泄風熱其
外諸味分解各經原不專主腎病若言得之食中
未嘗不傷在胃亦未可確指蚬蟬也

礬石白朮散 治瘰癧漏始發於頸下無頭尾如

棗核塊累移在皮中使人寒熱心滿此得之因
喜怒哭泣其根在心礬石主之白朮為之佐方

礬石

白朮

空青

當歸

各二分

細辛

一兩

蝟皮

蟬螿

枸杞

地膽

各一分

乾烏腦

三七豆許

右十味為末以醋醬服方寸七日三病在上側輪
臥在下高枕臥使藥流下

衍義

礬石專除氣分之垢膩佐以白朮專理氣分之津
液餘皆散堅利竅之品惟乾烏腦專於截風然其

病得之喜怒哭泣則肝與肺未必無預則不獨在
心矣

地膽甘艸散

治浮沮漏始發於頸如兩指使人

寒熱欲臥此得之思慮憂愁其根在膽地膽主
之甘艸為之佐方

地膽

雄黃

乾薑

續斷

石決明

菴藷根

龍膽艸

各三分

甘艸

一分

細辛

二分

大黃

半分

右十味治下篩傅瘡日四五度

古今錄驗無雄黃有硫黃

衍義

本經言地膽治鬼疰寒熱鼠瘦惡瘡死肌破癥瘕墮胎其破血辟毒之力最猛甘艸之佐非助其力解其毒耳其餘諸味雖寒熱醋雜不出解散之意以浮沮病不在裏僅用外傳足矣

雌黃芍藥丸

治癩癧漏始發於頸有根初苦痛

令人寒熱此得之因新沐濕結髮汗流於頭所致其根在腎雌黃主之芍藥為之佐方

雌黃

芍藥

茯苓

續斷

乾地黄

空青

礬石

乾薑

桔梗

蜀椒

恒山

虎腎

狸肉

烏腦

蟹螯

礬石

各一分

附子

一兩

右十七味為末蜜丸如大豆酒服十九日二

衍義

新沐中風則為首風新沐受濕濕著於腦則為癩癧日久不散失其陽和蘊毒而成其漏故用雌黃陰毒之物以破陰毒之結佐以芍藥除血痺破堅積此本經主治專取養營之功以和失調之血則痺白開積自散矣其餘虎腎狸肉烏腦蟹螯截風解毒礬石空青附子恒山破結開痰專賴芍藥以

固陽根之力

蟹螯白芷丸

治轉脈漏始發於頸濯濯脈轉若

驚惕身振寒熱此得之因驚臥失枕其根在小

腸集驗作心蟹螯主之白芷為之佐方

蟹螯

白芷

綠青

大黃各二分

升麻

鍾乳

甘艸

防風

地膽

續斷

麝香

礬石各一分

人參

當歸

桂心各二分

白朮

麥冬各一兩

右十七味為末蜜丸如大豆酒服十九日二勿食

菜慎房室百日

外臺無大黃桂心
麥門冬白朮鍾乳

衍義

轉脈之漏因於驚臥失枕驚臥失枕有何大毒而

用蟹螯地膽峻攻之味況有鍾乳白朮之相反大

振格敵之威豈在白芷相佐之力歟其綠青與空

青同出銅礦功專上涌風痰濟以礬石窮搜積垢

且得參朮彌助其雄如虎斯翼故略借大黃以通

下泄之機而為毒邪開一去路也於是再推致病

之由苟非別有所觸而蘊毒但需和血榮筋便可

向安又何必竭厥從事於峻攻耶

治九漏方

空青

商陸

知母

狸骨

桔梗

防風

荏子

礬石

黃芩

白芷

芍藥

甘艸

雌黃

白朮

礬石

地膽

蟹螯

雄黃 等分

右十八味為末蜜丸如大豆以酢服三九三十日
知四十日愈六十日平復百日內慎房室 一方
為散酢服一刀圭日二服老小減半

義術

九漏者因患定名因名定治上雖歷歷辨晰第恐
臨證致疑故又立統治諸法總以辟毒破堅為務

所用藥味不出上方未遑逐一復贅

又方

蝟皮 半枚

鱖魚甲

樗雞 各四枚

鶴骨 六分

蜥蜴

蜈蚣 各一枚

蜀椒

附子

當歸

蜂房

桂心

地榆

通艸

乾漆

牡丹皮

薏苡仁

蒺藜子

漏蘆 一作藿蘆

龍膽一作龍骨

土瓜各二分

蟹螯四分

蛇牀子

苦參

大黃

蛇蛻皮

雄黃

藺茹

細辛各二分

右二十八味為末酒服五分七以知為度日一服

又方

蟹螯七枚

蝮皮

真珠

雄黃各等分

右四味治下篩酒服半錢七日三

又方

成煉松脂填瘡孔滿日三四度七日瘡有神驗

又方

蟹螯二七枚

雄黃

桂心

犀角各一兩

右四味為末酒服一錢七日二服痛從小便出

又方

馬齒莧陰乾

臘月燭燼等分

右二味為末以臘月猪脂和其瘡先以暖泔清洗

淨拭乾後以藥傅日三

又方

乾牛屎

乾人屎 等分

右二味搗先以綿幕瘡上綿上著屎蟲聞屎氣即出若瘡即以綿去之更別取屎及綿著其上如前蟲盡乃止

又方

苦匏四枚大如盞者各穿一孔如指大置湯中煮數沸取一竹筒長一尺一頭內匏孔中一頭注瘡孔冷則易之

治一切漏方

蟹螯 四十枚

豉 四十粒

元青 二十枚

又生大豆黃

地膽 各十枚

蜈蚣 一寸半

犀角 人乳半 牛黃 各棗核大

右八味為末蜜丸如梧子大飲服二丸須臾多作酸醬粥冷飲之病從小便出視尿盆中如有蟲形狀又似膠汁乃病出也間日一服飲粥如常小弱者隔三四日候無蟲出瘡漸瘥特忌油膩一切器物皆須灰洗乃作食 崔氏云治九漏初服藥夜少食明旦服二丸至七日甚虛悶可煮食蔓菁菜羹其餘脂膩酸物果子之類並不得食人強隔日一服瘥後仍作二十日將息不能將息便不須服

又方

煮鹽花以麵攤病上內鹽花麵匡中厚二寸其
下以桑葉三重藉鹽候冷熱得所可忍冷則無
益熱則傷肉一日一度候瘰癧根株勢消則止
若已作瘡者搗糝穀爲末粉之

又方

槲北陰白皮三十斤剉碎以水一石煮取一斗
去滓煎如飴又取都厠上雄雌鼠屎各十四枚
燒令汁盡爲末內煎中又溫酒一升投煎中合
攪之羸人服半升當有蟲出

又方

霜下匏花曝乾爲末傅之

又方

搗土瓜根傅之燥則易不限時節

又方

死蛇去皮肉取骨爲末合和封瘡上大痛以杏

仁膏摩之痛止

又方

死蛇和臘月猪脂合燒灰爲末內孔中

又方

燒死蜚螂爲末醋和塗之又死蛇灰醋和傅之

又方

故布裹鹽如彈丸大燒令赤為末酒服之

又方

服白馬屎汁一升

又方

水研杏仁服之

又方

猪脂一升酒五合煎沸頓服之

又方

鹽麩和燒灰傅之

又方

正月雄狐屎陰乾搗末水和服

治漏作瘡孔方

用露蜂房為末以臘月猪脂和傅孔中

治漏發心胸以下者方

松脂

武都雄黃

各三兩

右二味和為塊刀子刮為散飲服一方寸七日二

不瘥更合

治漏方

鍛落鐵屑

狗頰車連齒骨

灸

虎屎

鹿皮帶毛燒為灰

右四味等分治下篩以猪脂和內瘡中須臾即易日五六度

治一切冷瘻方

用人所吐蛔蟲燒灰先用甘州湯洗去瘡惡然後著灰無不瘥慎口味

治鼠瘦腫核痛未成膿者方

以柏葉傅腫上熬鹽著葉上熨之令熱氣下即

消

治風漏及鼠漏方

赤小豆 白斂 黃芪

牡蠣等分

右四味為末酒服方寸七日三

治蠱蝨瘻方

先以泔清煮槲葉取汁洗瘡拭乾次以槲葉灰

內瘡中

治蜂漏方論

初生狀如桃而癢搔之則引大如雞子如覆手者熬鹽熨之三宿四日不瘥至百日成瘻其狀大如四五寸硬廣三寸中生蜂作孔乃有數百

以石硫黃隨多少燃燒令汁出著瘡孔中須臾
間見蜂數十蜂盡乃瘥

治蜂瘻方

以人屎蛇蛻灰臘月猪膏和傅之

又方

鴨頭燒灰傅之

又方

取蜂窠燒灰臘月猪脂和傅孔中

治蟻漏孔容鍼亦有三四孔者方

用蠟皮肝心燒灰爲末酒服一錢七

又方

死蛇腹中鼠以臘月猪脂煎候焦去滓傅之

又方

取大鯊鮓燒耕垡土令赤以苦酒浸垡土時合

壁土故熱以鯊鮓著壁土上展轉令熱傅瘡上

又方

鱖鯉甲二七枚燒末以猪脂和傅瘡上

又方

半夏一枚搗末以鴨脂和傅上

治瘰癧漏橫闊作頭狀若杏仁形亦作瘰癧方

雄雞糞燒灰臘月猪脂和封之

治蜚螂漏方

用牛屎燒灰臘月猪脂和傳之

又方

蜚螂丸

即蜚螂所食之屎

為末傳之

又方

乾牛屎為末傳之癢即撥却更摩封瘡乃止

又方

熱牛屎塗之數易應有蜚螂出

治蚯蚓瘦方

雞屎

蚯蚓屎

等分

右二味為末用壯猪下頷髓和傳之

治蟹瘦五六孔皆相通者方

搗茅根汁著孔中

治蝦蟆瘦方

用五月五日蛇頭及野猪脂同水衣封之

治蛇瘦方

用蛇蛻皮燒灰臘月猪脂和封之

治蛙瘦方

用蛇腹中蛙燒灰封之

治顛當瘦方

搗土瓜根傅至瘥慎口味

治雀瘦方

取母猪屎燒灰臘月猪脂和傅上當有蟲出如

雀形

治膿瘦方

以桃花為末猪脂和封之

治石瘦兩頭出者其狀堅實令人寒熱方

以大鈹鍼破之次用鼠粘葉二分為末和雞子

白一枚封之

又方

搗槐子和井花水封之

又方

搗生商陸根捻作餅子如錢大厚三分安漏上

以艾灸餅上乾易之灸三四升艾瘥外臺灸瘰癧

又方

七月七日日未出時取麻花五月五日取艾等

分合搗作炷用灸瘡上百壯外臺灸瘰癧

灸法

九漏灸肩井二百壯漏灸鳩尾骨下宛宛中七十

壯 諸漏灸瘦周圍四畔瘡

諸惡漏中冷息肉灸足內踝上各三壯二年六壯

寒熱胸滿頸痛四肢不舉腋下腫上氣胸中有音喉

中鳴天池主之

寒熱頸頷腫後谿主之

寒熱酸痛四肢不舉腋下腫馬刀瘦喉痺脾膝脛

骨搖酸痺不仁陽輔主之

寒熱頸腋下腫中脈主之

胸中滿腋下腫馬刀瘦善自嚙舌頰天膈中腫寒熱

胸脇腰膝外廉痛臨泣主之

寒熱頸腫立墟主之

腋下腫馬刀肩腫吻傷太衝主之

寒熱頸癭瘰癧大迎主之

五白膏 治鼠漏及癭瘰方

白牛皮

白馬屎

白猪屎

白羊屎

白雞屎

漏蘆

右六味各于石上燒作灰研篩以猪膏一升三合

煎亂髮一兩半令極沸盡消乃內諸末微火上煎

五六沸藥成去瘡痂以鹽湯洗淨帛拭乾傅此膏

若無痂亦須湯洗日再傅若著膏當以帛裹上勿

令中風冷神驗

曾青散 治寒熱瘰癧及鼠瘦方

曾青

荏子

礬石

一作礬石

附子

各半兩

栝蒌根

露蜂房

當歸

防風

芎藭

黃耆

黃芩

狸骨

甘草

各二兩

細辛

乾薑

各一兩

斑猫

蜃青

各五枚

右十七味治下篩酒服一方寸七日再

又方 治寒熱瘰癧方

土瓜根

連翹

龍膽

黃連

栝蒌根

苦參

芍藥

恆山

各一兩

右八味為末酒服五分七日三

翼方及外臺有狸骨一枚翼一方有

當歸無栝蒌恆山

薔薇丸 治身體有熱瘰癧及常有細瘡并口中

生瘡方

薔薇根

三兩

黃耆

黃芩

鼠李根皮

栝蒌根

芍藥

苦參

石龍芮

防風

一作防已

白斂

龍膽

各一兩

梔子仁

四兩

右十二味為末蜜丸如梧子大飲服十五丸日再

翼方有黃藥一兩

治療癩方

用白殭蠶治下篩水服五分七日三服十日瘡

又方

狸頭一枚炙搗篩飲服方寸七日二

又方

故履內氈替燒末五七和酒一升平旦向日服之強行須臾吐鼠出三朝服

又方

狸頭蹄骨等灰黃搗篩為散飲服一錢七日再

又方

貓兩眼陰乾燒灰井花水服方寸七日再

又方

乾貓舌為末傅瘡上

又方

狼屎灰傅之

又方

狐頭狸頭灰傅之

又方

五月五日取一切種種雜艸煮取汁洗之

又方

猫腦

莽艸等分

右二味爲末著癰孔中

灸漏法

葶藶子二合

豉一升

右二味和搗令極熟作餅子如大錢厚二分許取

一枚當瘡孔上作大艾炷如小指大灸餅上三炷

一易三餅九炷隔三日復一灸

外臺灸癰瘰古今錄驗云不可灸頭

瘡葶藶氣入腦殺人

灸癰瘰法

一切癰瘰在項上及觸處但有肉結疑似作瘰

及癰癩者以獨蒜截兩頭畱心大作艾炷稱蒜

大小貼癰子上灸之勿令上破肉但取熟而已

七壯一易蒜日日灸之取消止一切癰瘰灸兩

膀裏患癰處宛宛中日一壯七日止神驗 又

灸五里人迎各三十壯 又灸耳後髮際直脈

七壯 又灸患人背兩邊腋下後文上隨年壯

衍義

治九漏方已下至此凡六十餘方方無大小一一

類次靡遺所謂牛溲馬勃皆可收之藥籠也

腸癰第二 論三首 灸法二首 方二十九首

論曰卒得腸癰而不曉其病候愚醫治之錯則殺人腸癰之為病小腹重而強抑之則痛小便數以淋時時汗出復惡寒其身皮皆甲錯腹皮急如腫狀其脈數者小有膿也 巢氏病源云數者已有膿也 其脈遲緊者未有膿也甚者腹脹大轉側聞水聲或達臍生瘡或膿從臍中出或大便出膿血

問曰官羽林婦病醫脈之何以知婦人腸中有膿為下之即愈師曰寸口脈滑而數滑則為實數則為熱滑則為榮數則為衛衛數下降榮滑上升榮衛相干血為濁敗小腹痞堅小便或澀或復汗出或復惡寒膿為已成設脈遲緊即為瘀血血下則愈

大黃牡丹湯

大黃 四兩 牡丹 三兩 芍藥 二兩

瓜子 一升 桃仁 五十粒

右五味咬咀以水五升煮取一升頓服當下膿血

金匱方用牡丹一兩瓜子半升芍藥二合刪繁方用瓜子半升芍藥半合劉涓子用硝石三合云腸癰之病小腹痞堅或在膀胱左右其色或白堅大如掌熱小便欲調時自汗出其脈遲堅者未成膿可下之當有血脈數膿成不復可下時後名瓜子湯

腸癰湯方

牡丹

甘艸

敗醬

生薑

茯苓

各二兩

桔梗

薏苡仁

麥門冬

各三兩

丹參

芍藥

各四兩

生地黄

五兩

右十一味咬咀以水一斗煮取三升分三服日三

又方

薏苡仁

一升

牡丹

熱血血不

桃仁

各三兩

瓜瓣

二升

右四味咬咀以水六升煮取二升分二服用姚氏不用桃仁

用杏仁崔氏有芒硝二兩云腹中疴痛煩滿不安或脹滿不下飲食小便澀此病多是腸癰人多不識婦人產後虛熱者多是此證總非癰疽但是便服此方無傷損也

凡腸癰其狀兩耳輪文理甲錯初患腹中苦痛或

繞臍有瘡如粟皮熱便膿血出似赤白下不治

必死方

以馬蹄灰雞子白和塗即拔毒氣不過再塗瘡

又方

以瓜子三升搗末水三升煮取一升半分三服

又方

以馬牙燒灰雞子白和塗乾即易

衍義

內癰辯證不早每多誤治之失嘗攷金匱大黃牡丹湯與千金無異首取大黃下瘀血血閉牡丹治瘀血畱舍芒硝治五臟積熱滌去蓄結推陳致新之功較大黃尤銳桃仁治疝瘕邪氣下瘀血血閉之功亦與大黃不異甜瓜瓣別錄治腹內結聚破潰膿血專於開痰利氣為內癰脈遲緊膿未成之專藥 其後腸癰湯二方卽金匱薏苡附子敗醬散之變方以治膿成脈數不可下之證金匱用薏苡十分附子二分敗醬五分千金慮附子助熱易以牡丹又因敗醬難覓易以瓜瓣更加前方中桃

仁以助牡丹之力又以小方之力雖專不若大方兼培津血故特立腸癰湯方已潰可以排膿未潰可以解毒良工苦心無以過之其餘丹方如馬蹄灰和雞子塗則有散血之功馬牙灰和雞子塗則有拔毒之用單服瓜瓣湯則有開痰利導之益故并存之

灸腸癰方

屈兩肘正灸肘頭銳骨各百壯則下膿血卽瘥論曰產後宜勤濟乳不宜令汁蓄積蓄積不去便結不復出惡汁於內引熱溫壯結堅牽掣痛大渴引飲

乳急痛手不得近成妬乳非癰也急灸兩手魚際各二十七壯斷癰脈也不復惡手近乳汁亦自出便可手助進將之則乳汁大出皆如膿狀內服連翹湯外以小豆薄塗之便瘥

婦人女子乳頭生小淺熱瘡之黃汁出浸淫為長百種治不瘥者動經年月名為妬乳婦人飲兒者乳皆欲斷世謂苟抄乳是也宜以赤龍皮湯及天麻湯洗之傳二物飛烏膏及飛烏散佳若始作者可傳黃芩漏蘆散及黃連胡粉散並佳

赤龍皮湯方

槲皮切三升以水一斗煮取五升夏冷用之冬溫用之分洗乳亦洗諸敗爛久瘡洗竟傳膏散

天麻湯方

用天麻草切五升以水一斗半煮取一斗隨寒熱分洗乳以殺癢也此草葉如麻冬生夏著花赤如鼠尾花也亦洗浸淫黃爛熱瘡癢疽濕陰蝕小兒頭瘡洗竟傳膏散

飛烏膏方

一傾粉

是燒硃砂作水銀上黑烟是也一作細粉

礬石

各三兩

右二味為末以甲煎和如脂傳乳瘡日三傳之作

散者不須和汁自著者可用散其諸熱瘡黃爛瘡
浸淫汁癢丈夫陰蝕癢濕瘡小兒頭瘡月蝕口邊
一肥瘡癩瘡等並皆主之

黃連胡粉散

黃連 二兩

胡粉 二兩

水銀 一兩

右三味為末相和與皮裏熟按之自能和合縱不
得成一家亦得水銀細散入粉中也以傅乳瘡諸
濕瘡黃爛肥瘡等若乾著甲煎為膏

治妒乳生瘡方

蜂房

猪甲中土

車轍中土 各等分

右三味為末苦酒和傅之

鹿角散 治婦人乳生瘡頭汁出疼痛不可忍者

方

鹿角 二分

甘艸 一分

右二味治下篩和以雞子黃於銅器中置溫處灸
上傅之日再即愈

治妒乳方

以葵莖灰搗篩飲服方寸七日三即愈 集驗方直搗為

散不為灰

又方

燒自死蛇為灰以猪脂和塗大良

衍婦人經斷則有軀生育則乳子乳母有故則乳汁

蓄積不出壯熱結痛便宜服連翹湯分利其熱外

用赤龍皮湯及天麻草湯洗之飛鳥膏專祛膿垢

黃連胡粉散兼收濕熱蜂房二土杜風解毒鹿角

甘艸散熱行血葵莖利竅通津蛇灰截風拔毒皆

乳患小方之可採用者也

灸法

以蒲橫度口以度從乳上行灸度頭一七壯

論曰產後不自飲兒并失兒無兒飲乳乳蓄結癰不

飲兒令乳上腫者以雞子白和小豆散傅乳房令消

結也若飲兒不泄者數捻去之亦可令大孩子含水

使口中令為啣取滯乳汁吐去之不含水漱去熱喜

令乳頭作瘡乳孔塞也

凡女人多患乳癰年四十已下治之多瘥年五十已

上慎勿治治之多死不治自得終天年

連翹湯 治妬乳乳癰方

連翹

芫藥

各二兩

芍藥

射干

升麻

防已

杏仁

黃芩

大黃

柴胡

甘艸 各三兩

右十一味咬咀以水九升煮取二升五合分三服
衍義如乳乳癰總以清熱利竅解毒為主連翹治癰腫
惡瘡甘艸治臟腑邪氣黃芩治惡瘡疽蝕芍藥治
血痺止痛射干治胸中結氣杏仁治產乳金瘡升
麻治風腫諸毒柴胡治腸胃結氣防已通行十二
經大黃下瘀血血閉芫硝破五臟積熱上下宣通
而乳難解矣

治乳癰方

麥門冬 一升

黃芩

芍藥

茯苓 各二兩

桑寄生

人參

黃芪

防風

甘艸 各三兩

粘糖 八兩

大棗 五枚

右十一味咬咀以水一斗煮取三升去滓內糖一
沸分四服

衍義

連翹湯治乳難全盛之實故用硝黃此方治乳難
潰後之虛故用參芪佐以芩防兼清風熱助以棗
糖專資津氣門冬清膈上之熱茯苓調心下之虛
芍藥和血斂陰寄生去風逐濕甘艸治五臟六腑
寒熱邪氣也

又方 先服前湯五日後服此丸即愈方

天門冬 五兩 澤蘭 五分 大黃 十分

升麻 六分 羌活 桑寄生

防風 人參 黃芪

乾地黄 白芷 通艸 各二分

黃芩 枳實 五味子

茯苓 天雄 芎藭

當歸 各一分

右十九味為末蜜丸酒服二十九日二加至四十丸

衍義 乳難服湯不瘥元氣漸衰毒邪愈熾以故補瀉兼

施益以天雄亟通乳竅蜜丸酒服緩行諸藥之力

治乳癰始作方 廣濟方云治乳癰大堅硬赤紫色衣不得近痛不可忍者

大黃 棟黃 芍藥

馬蹄 各等分

右四味治下篩飲服方寸匕取汗出瘥 廣濟方云酒服方寸

七覆取汗當睡著覺後腫處散而不痛經宿乃消

衍義 乳癰始作勢在亟攻故用棟黃佐大黃導濕熱下

走芍藥助馬蹄以斂津使不隨毒邪散漫也

又方

黃芩

白斂

芍藥

等分

右三味為末以漿水飲服半錢七日三若左乳汁結者即將去右乳汁若右乳汁結者可將去左乳

汁小品云治如乳

衍義黃芩清風熱白斂散結腫芍藥和營氣服用漿水以斂傷殘之氣

又方

鹿角治下篩以猪脂上清汁服方寸七不過再服亦可醋漿水服

衍義鹿角生剉為末服取其消腫散血乳癰用之最捷

蒺藜丸 治婦人乳腫痛除熱方

蒺藜子

大黃

各一兩

敗醬

三分

薏苡仁

桂心

人參

附子

黃芪

黃連

雞骨

當歸

芍藥

枳實

通艸

各二分

右十四味為末蜜丸如梧子大未食飲服三丸不知益至五丸日三無所忌 一方無大黃敗醬黃連通艸為散酒服方寸七

衍義方用大黃黃連解熱桂心附子散結人參黃芪固

本當歸芍藥和營敗醬薏苡敗膿枳實通艸利竅
尤賴蒺藜破除惡血雞骨引入厥陰也

排膿散 治乳癰除惡肉方

菴蓉 鐵精 桂心

細辛 黃芩 芍藥

人參 防已一作防風 當歸

乾薑各三分 甘艸五分

右十一味治下篩酒服方寸七日三夜一服藥十日膿血出多勿怪

又方

生地黃三升 芫硝三合 波一升

右三味合搗傅上熱即易之取瘥止一切癰腫皆用之 一方單用地黃傅之

衍義乳癰潰久不斂元氣大傷血氣凝滯致生惡肉故

用菴蓉歸芍人參甘艸護持元氣細辛桂心乾薑溫理伏邪防已通行經脈鐵精鎮攝虛火黃芩清解風熱并緩薑桂之性庶不隨膿外脫外用地黃芫硝香豉傅之惡肉可漸化矣

治乳癰方

大黃 鼠屎新者各一分 黃連一分

右三味爲末以黍米粥清和傅乳四圍痛止卽愈
無黍米卽粟米粳米亦可

又方

大黃

莽艸

生薑

各二分

伏龍肝

十二分

右四味搗爲末以酢和塗乳痛卽止

衍義

大黃黃連辟除毒熱鼠屎通厥陰經爲乳難之的

藥

又方以大黃消腫熱莽艸祛風毒生薑消脹

滿伏龍肝和營血醋和塗乳取其酸收卽漿水服

散之義

又方

取葱白搗傅之并絞汁一升頓服卽愈

治乳癰二三百日衆療不瘥但堅紫色青柳根熨

方

以柳根削取上皮搗令熟熬令溫盛著練囊中

熨乳上乾則易之一宿卽愈

治妬乳乳癰腫方

取研米槌二枚炙令熱以絮及故帛搗乳上以

槌更互熨之瘥止已用立效

治乳癰堅方

以水罐中盛醋泔清燒石令熱內中沸止更燒
如前少熱內乳漬之及冷更燒石內漬不過三
度燒石愈

義葱白搗傅取其通竅 柳根溫熨取其解毒 焙

槌熱熨取其溫散 醋泔溫漬取其酸斂各有妙
用鄉村無藥處宜之

五痔第三 論一首 灸法二首 方二十六首

論曰夫五痔者一曰牡痔二曰牝痔三曰脈痔四曰
腸痔五曰血痔牡痔者肛邊如鼠乳時時潰膿血出
牝痔者肛腫痛生瘡脈痔者肛邊有瘡癢痛腸痔者

肛邊核痛發寒熱血痔者大便圇血隨大便汚衣又
五痔有氣痔寒溫勞濕卽發蛇蛻皮主之牡痔生肉
如鼠乳在孔中頗出見外妨於更衣蠶甲主之牝痔
集驗作酒痔從孔中起外腫五六日自潰出膿血蠟皮主
之腸痔更衣挺出久乃縮母猪左足懸蹄甲主之脈
痔更衣出清血蜂房主之五藥皆下篩等分隨其病
倍其主藥爲三分旦以井花水服半方寸七病甚者
旦暮服之亦可四五服禁寒冷食猪肉生魚菜房室
惟食乾白肉病瘥之後百日乃可通房內又用藥導
下部有瘡內藥瘡中無瘡內孔中又用野葛燒末刀

圭內藥中服藥五日知二十日若三十日愈痔痛通
忌葷菜

衍義痔漏皆由濕熱所致故昔人嘗以雨過濕蒸生菌
譬之千金首取血肉之物分治五痔獨不及血痔
者以散血之藥頗多如犀角馬蹄牛鯢蝨蠱之屬
皆可取用又以野葛燒灰略入劑中者專取毒劣
之性以攻贅疣獨葷菜為痔家切禁者惡其傷殘
陽氣而乏長養之功也
治五痔衆醫所不能愈者方

秦艽 白芷 厚朴

紫參 亂髮 紫苑 各一兩

雷丸 藁本 各二兩 石南

蝨蟲 各一兩 貫衆 蝨蟲 各八兩

猪後懸蹄 十四枚

右十三味合搗下篩以羊髓脂煎和丸如梧子大
空腹飲下十五丸日二若劇者夜一服四日肛邊
癢止八日膿血盡鼠乳悉瘥滿六十日終身不復
發久服益善忌魚猪肉等

衍義艸根木實之可以辟除濕熱者痔家恒取用之如
秦艽白芷藁本紫參皆風熱藥紫苑貫衆厚朴雷

丸散結滯藥亂髮猪蹄蟲蠱破積血藥獨石南一味為腎家風藥腎主二便特取以祛下焦風毒也

槐子散 治燥濕痔痔有雄雌皆主之方

槐子 乾漆 秦艽

吳茱萸根白皮 各四兩 白芷

桂心 黃芩 黃芪

白斂 牡蠣 龍骨

雷丸 丁香 木香

疾藜子 附子 各二兩

右十六味為末蜜丸如梧子大飲服二十九日三

衍義

千金翼無白斂深師無黃芪云治苦暴有乾燥腫痛者有崩血無數者有鼠乳附核者有腸中煩癢者三五年皆殺人主忌飲酒及作勞犯之即發

方中疾藜白芷秦艽黃芩祛除風氣槐子白斂清

解毒邪二香桂附吳茱萸根溫散結滯乾漆雷丸

攻逐瘀血牡蠣龍骨黃芪收斂津氣以其寒熱間

錯氣血交攻斂散並列故牡痔牝痔氣痔血痔乾

痔濕痔咸可治之

小槐實丸 治五痔十年者方

槐子 三斤 白糖 二斤 礬石

硫黃 各一斤 大黃 乾漆

龍骨 各十兩

右七味以四味搗篩其二種石細切及糖內銅器中一石米下蒸之以綿絞取汁和藥末併手丸如

梧子大陰乾酒服二十九日三稍增至三十九丸
衍義味雖減略而寒熱斂散血氣之藥靡不畢具不同
蜂蜜而用飴糖者取其專滋穀藏也

槐子酒 治同前

槐子 二斗

槐東南枝 細判一石 槐東南根 細判三石

右三味內大金中以十六斛水煮取五斛澄取清更煎取一石六斗炊兩斛黍米上麴二十斤釀之

攪令調封泥七日酒熟取清飲適性常令小小醉合時更取滓煮取汁淘米及洗痔不得用水忌生水故也

衍義槐乃虛宿之精寒而不滑兼取三槐益腎清火為痔家之專藥惟中氣虛寒慎用

又方

塗熊膽取瘡止神良一切方皆不及此

又方

七月七日多採槐子熟搗取汁內銅器中重綿密蓋著宅中高門上曝二十日已上煎成如鼠

屎大內穀道中日三亦主瘦及百種瘡
又方

取生槐白皮十兩熟搗丸如彈丸綿裹內下部
中此病宜常食篇竹葉及煮羹粥大佳

又方

取鯉魚腸三具以火炙令香綿裹內穀道一食
久蟲當出食魚腸數數易之盡三具瘡 一方
炙腸令香坐上蟲出經用有效

又方

虎頭

犀角

右二味為末和不中水猪脂大如雞子塗瘡上取

瘡

治五痔及脫肛方

槐白皮 二兩

猪脂 半斤

榛子

桃仁 各十枚

巴豆 七粒

薰草 一作薰黃

辛夷

白芷

甘艸 各半兩

野葛 六銖

右十味咬咀煎三上三下去滓以綿沾膏塞孔中
日四五過蟲死瘡止癢痛大佳

治五痔方

狷皮 方三指 大切

熏黃 如棗 大末

熟艾 如雞 子大

右三味穿地作孔調和取便熏之口中熏黃烟氣為佳火氣消盡即停停三日將息更熏之凡三度永瘥勿犯風冷羹臠將補慎猪雞等

又方

取槐根煮洗之

又方

用桃根煮洗之

衍義

熊膽辟垢清熱 槐子解毒滋腎 槐皮解熱散

濕 鯉魚腸利水引蟲 虎頭犀角追風散血

治五痔方散癩祛毒 狷皮三味熏痔透毒 槐

根取其化蠶 桃根取其散血皆外治法也

蝟皮丸 治痔方 亦治漏

蝟皮 一具

礬石

當歸

連翹

乾薑

附子

續斷

黃芪 各二兩

槐子 三兩

乾地黃 五兩

右十味為末蜜丸如梧子大飲服十五丸日再加

至四十九 集驗方無礬石地黃

衍義

痔漏經久氣血凝故用薑附温散結滯歸芪續

地調和血氣連翹槐子清解熱邪以助蝟皮礬石
滌除毒垢之力

又方 治崩中及痔方

蝟皮

人參

茯苓

白芨

禹餘糧

乾地黃

槐耳

續斷 各三兩

蒲黃

黃芪

當歸

艾葉

橋皮

白斂

甘艸 各二兩

白馬蹄

酒浸一宿熬黃

牛角鯁

各四兩

鰻鱺魚頭

二十枚

猪懸蹄甲

二十一枚熬

右十九味為末蜜丸如梧子大酒服二十九日再

稍加

衍義

此以患久氣血侵衰故用參芪佐蝟皮猪蹄甲辟
除積垢鰻鱺頭滋化蟲毒馬蹄牛鯁散瘀辟毒故
可兼治崩中下血

治痔方

槐耳赤雞一斤

即槐糯

為末飲服方寸七日三

又方

蒲黃水服方寸七日三

外臺云治腸痔每大便常有血者

又方

桑耳作羹空腹飽食之三日食佳

治痔下血及新產漏下方

附子 礬石各一兩

右二味為末白蜜丸如梧子大酒服二九日三稍

加不過數日便斷百日服之終身不發崔氏方有乾薑一兩

衍義槐耳清熱 蒲黃散瘀 桑耳止血上皆正治之

法 附子礬石專除積垢此則從治之方隨新久

微甚調之

治外痔方 亦治惡瘡癩瘡

真珠 雄黃 雌黃各一兩

竹茹 三兩 猪膏 一斤

右五味為末內猪膏中和調又切亂髮半雞子大

和東向煎三上三下髮焦出其痔先用鹽湯洗拭

乾後傅之

治痔下部出膿血有蟲傍生孔竅方

以槐白皮一擔判內釜中煮令味極出置大盆

中適寒溫坐其中如浴狀蟲悉出冷又易之不

二三次瘥

治穀道癢痛緣腫起裏許欲生肉突出方

大豆 三升以水七升急火煮取四升 槐白皮 三升

甘艸 三兩

右三味以豆汁煮取二升浸故帛薄之冷則易日三五度

槐皮膏 治穀道癢痛痔瘡方

槐皮

棟實

白芷

當歸 三兩

桃仁

甘艸

赤小豆 二合

右七味咬咀以成煎猪膏一斤微火煎白芷色黃

膏成取摩瘡上日再并導下部刪繁無當歸治腎勞虛或酒醉當風

所損腎藏病所為肛門腫生瘡因酒勞傷發瀉清血肛門疼痛蜂房膏

治穀道痛方

兔絲子熬黃黑和雞子黃傅之日二度

又方

杏仁熬令黃搗作脂傅之

治大便孔卒痛如鳥啄方

大小豆各一斗和搗內二袋中蒸令極熱更互

坐之瘥

荷義真珠二黃亂髮竹茹化毒散血 槐皮滌蟲 兼

大豆甘艸化毒 槐皮膏解毒和血兼可化蟲

兔絲去風續傷 杏仁殺蟲解毒 黑豆大小皆

能解腎經毒蒸熱坐之專收濕熱

灸法

久冷五痔灸脊中百壯

五痔便血失屎灸回氣百壯穴在脊窮骨上

疥癬第四

論二首 灸法四首 方六十七首

論曰凡瘡疥小秦芫散中加烏蛇肉二兩主之黃芪

酒中加烏蛇脯一尺亦大效

千金翼云黃芪酒中加烏蛇一尺烏頭附子茵

芋石南莽草各等分大秦芫散中加之亦大效小小疥癬十六味小秦芫散亦相當黃芪酒見前七卷中

凡諸疥癬皆用水銀猪脂研合極細塗之

治凡有瘡疥腰膝手足皆生疵疥者方

栝萋根 四兩

薔薇根

雀李根皮

黃連

黃蘗

芍藥 各三兩

黃芪

黃芩

當歸

苦參

石龍芮 各二兩

大黃

續斷 各一兩

右十三味為末蜜丸如梧子以薔薇飲服二十九

日三加至三十九瘡乃止若乾疥白癬勿服 千金翼云

癰疽皆

可服之 治寒熱瘡及風疥諸雜瘡方

韭根

礬石

雄黃

藜蘆

瓜蒂

胡粉

各一分

水銀

三分

右七味以柳木研水銀使盡用猪脂一升煮藜蘆
韭根瓜蒂三沸去滓內諸藥和調令相得即成以
傅之神良救急方以此
用治癰瘡

藺茹膏

治一切惡瘡疥癬疽漏癩方

藺茹

狼牙

青葙

地榆

藜蘆

當歸

扁蓄

羊蹄根

各二兩

蛇牀子

白斂

各六分

漏蘆

二分

右十一味搗以苦酒漬一宿明旦以成煎猪膏四
升煎之三上三下膏成絞去滓內後藥如左

雄黃

雌黃

硫黃

礬石

胡粉

松脂

各二兩

水銀

三兩

右七味細研看水銀散盡即傾前膏中以筋十隻
攪數百遍止用磁器密貯勿令洩氣煎膏法取微
火熬急則不中用傅藥不可近眼及陰先研雄黃
等令細候膏小冷即和攪傅之
治疥疽諸瘡方

水銀

胡粉

各六兩

黃連

黃蘗

各八分

薑黃

十分

礬石

附子

蛇牀

苦參

各三分

右九味水銀胡粉別研如泥餘為末以成煎猪膏合和研令調傅之翼方無薑黃

治久疥癬方

丹砂

雄黃

雌黃

劉涓子無

亂髮

洗淨

松脂

白蜜

各一兩

藺茹

三兩

猪脂

二升

巴豆

十四枚

右九味先煎髮令消盡內松脂白蜜三上三下去

滓內諸末更一沸止傅之翼方用蠟不用蜜

又方

水銀

礬石

一作礬石

黃連

一作雄黃

蛇牀子

各一兩

右四味為末以猪脂七合和攪不見水銀為熟傅

之一方加藜蘆一兩又云藺茹

治諸瘡疥癬久不瘥者方

水銀

一斤

臘月猪脂

五斤

右二味以鐵器中壘竈用馬通熬七日七夜勿住火出之停冷取膏去水銀不妨別用以膏傅一切

瘡無不應手立瘥 千金翼用水銀粉和猪脂塗之

又方

特牛屎 羊蹄根 各五升

右二味以牛屎漬羊蹄根一宿日曝乾復內尿中

取盡止作末傅諸瘡 千金翼云和猪脂用更精

又方

拔取生烏頭十枚切煮汁洗之瘥

論曰凡諸瘡癬初生時或始痛癢卽以種種單方救

之或嚼鹽塗之又以穀汁傅之又以蒜墨和傅之 翼方

以蒜作餅又以薑黃傅之又以鯉魚鮓糝傅之又以牛李

子汁傅之若以此救不瘥乃以前諸大方治之

治細癬方

蛇牀子 白鹽 一作白堊 羊蹄根 各一升

赤葛根 苦參 菖蒲 各半斤

黃連 莽艸 各三兩

右八味咬咀以水七升煮取三升適寒温洗身如炊一石米頃爲佳澄清後當微温用之滿三日止

又方

以羊蹄根於石上苦酒磨傅之欲傅先刮瘡以

火炙乾後傅四五過 翼方云搗羊蹄根著磁器中以白蜜和臨用先刮瘡

令傷傳之如炊一石米又拭去更以三年大蒜和塗之若諸瘡處不傷節不瘡

又方

羊蹄根五升以柔柴灰汁煮四五沸以洗 凡方中用羊蹄根皆以日未出時採之佳

又方

菖蒲末五斤以酒五升漬釜中蒸之使味出先絕酒一日每服一升或半升

又方

乾荆子燒中央以器承兩頭取汁刮瘡令傷塗之

治癰方

取煎餅熱搗不限多少日一遍良亦治浸淫瘡

又方

淨洗瘡取醬辦雀屎和傳之瘡止 翼方云取醬和尿塗之

又方

水銀蕪蕒和酥塗之

又方

日中午搗桃葉汁傳之

又方

搗刺薊汁傳并服之

又方

燒蛇蛻一具酒調服之

又方

服地黃汁佳

又方

服驢尿良

又方

搗羊蹄根和乳塗之

又方

醋煮艾塗之

又方

搗葇荑根蜜和傅之

翼方無根字

治濕癬肥瘡方

用大麻諸傅之五日瘥

治癬久不瘥者方

取自死蛇燒作灰以猪脂和塗即瘥

治小兒癬方

以蛇牀子搗末猪脂和傅之

治癩癢方

以水銀和胡粉傅之

^衍夫仁人之用心也並及一切巨細靡遺如疥癬之濕熱外淫其毒未嘗不根諸於裏然內治頗難獲效故以水銀銀粉之屬為外治之所必需其藺茹膏取艸藥熬汁以和石藥為外傳之首推其餘諸方毋論大小不出祛濕殺蟲解毒諸法也

治身體瘙癢白如癬狀者方

楮子 三枚

猪脰 一具

鹽 一升

礬石 一兩

右四味以苦酒一升合搗令熟拭身日三

治癰瘍方

以三年醋磨烏賊骨先以布拭肉令赤傅之

又方

醋磨硫黃塗上

集驗方磨硫黃附子使熟將臥以布拭病上乃以藥傅之

又方

取蜣螂搗爛塗之當指令熱封上一宿瘥

又方

白斂

薰陸香

右二味為末指上并水服之

又方

硫黃

雌黃

槲皮

燒等

蛇蛻 一具

右四味搗篩以清油合和薄塗白處欲塗時先以巴豆半截拭白處皮微破然後傳之不過三兩度又方

硫黃

水銀

礬石

竈墨 等分

右四味搗末內柑子中以葱涕和研臨臥傳病上風毒襲於氣分血不榮於肌膚而成瘙癢者白癩風也方用楮實入腎祛風猪脰礬石辟除穢毒烏賊骨散血脈中風 一石硫黃破陰邪毒 蛻螂

拔毒消腫

白斂乳香解毒散結

硫黃雌黃櫛

皮蛇蛻巴豆指傳破毒殺蟲

硫黃水銀礬石突

墨葱涕調傅滌垢化蟲皆白癩風外治之法

九江散 治白癩風及二百六十種大風方

當歸 七分

石南 六分

附子

躑躅

秦艽

菊花

乾薑

防風

雄黃

丹砂

麝香

蟹螯 各十分

蜀椒

連翹

鬼箭羽 各一分

石長生

知母 各八分

鬼臼 各一分

人參

王不留行

石斛

天雄

烏頭

獨活

防已

莽艸 各十分

水蛭 百枚

蜈蚣 三枚

蟲蟲

地膽 各十枚

右三十味諸蟲皆去足翅熬炙令熟為散酒服方寸七日再其病入髮令髮白服之百日愈髮還黑

又方

天雄

白斂

黃芩 各三兩

乾薑 四兩

附子 一兩

商陸

躑躅 各一升

右七味治下篩酒服五分七日三

又方

酒服生胡麻油一合日三稍稍加至五合慎生

冷猪雞魚蒜等百日服五斗瘥

治白癩方

礬石

硫黃 等分

右二味為末醋和傅之

又方

平旦以手掉取韭頭上露塗之極效

又方

取蘿摩草煮汁拭之亦指令傷臆白汁塗之

又方

石灰松脂酒主之

方見卷末

又方

以蛇蛻皮熬摩數百過棄置草中

又方

空樹中水洗以桂為末唾和塗之日三

又方

以水銀數數拭之令熱即消瘡乃止

治凡身諸處白駁漸漸長似癬不瘥方

取鰻鱧魚脂塗之先指病上使痛然後塗之

又方

灸左右手中指節去延外宛中三壯未瘥報之

衍義

九江散中類集祛風破血散結辟毒諸藥為白癩

風之專藥風毒入髮令人髮白服之百日還黑豈

非風毒去而氣血復之一驗歟 又方以雄黃乾

薑散結白斂黃芩解毒商陸躑躅破水味雖簡略

而功力較前方不殊 礬石硫黃辟除陰毒 韭

頭上露滋燥散血 蘿摩指拭祛風奕堅 石灰

松脂通痺逐濕 蛇蛻專於祛風 桂末力能散

血 水銀殺蟲拔毒 鱧鱺脂亦能化蟲兼可滋

治皮中紫赤疵瘰去黧穢方

乾漆 雌黃 礬石 各三兩

雄黃 五兩 巴豆 十五枚 炭皮 二斤

右六味治下篩雞子白和塗故帛貼病上日二易治赤疵方

用京墨大蒜鯽血合塗之

治贅疵瘰方

雄黃 硫黃 珍珠

礬石 巴豆 蔞茹

藜蘆 各一兩

右七味治下篩以真漆合和如泥以塗點病上須成瘡及去面黧皮中紫不耐漆人不得用以雞子白和之

衍義 風毒入傷血分瘀滯薄於皮腠而成疵瘰者紫雲風也方用乾漆散血二黃辟毒礬石逐垢巴豆破頑炭皮散火雞子解毒并和諸藥之性 又以蒜穢通濁鮑血消瘀墨即炭皮散火之義 贅疵專須辟毒破頑真漆方倍乾漆不耐漆者仍以雞子

白和之

去疣日方

松柏脂合和塗之一宿失矣

又方

以石硫黃搯六七遍

又方

以杏仁燒令黑研膏塗上

又方

以猪脂癢處搯之令少許血出即瘥

又方

苦酒漬石灰六七日滴取汁點疣上小作疣即

落

又方

取牛口中涎數塗自落

又方

著艾炷疣上灸之三壯即除

衍義

松柏之脂並能燥濕 石硫黃辟除陰毒 杏仁

灰專辟垢膩 猪脂滋燥解毒 苦酒漬石灰善

駁歹肉 牛口中涎滋化毒熱 總不若艾灸最

捷

惡疾大風第五

論一首
方十首

論曰惡疾大風有多種不同初得雖遍體無異而眉鬚已落有遍體已壞而眉鬚儼然有諸處不異好人而四肢腹背有頑處重者手足十指已有墮落有患大寒而重衣不暖有尋常患熱不能暫涼有身體枯槁者有津汗常不止者有身體乾癢徹骨搔之白皮如麩手下作瘡者

外臺作卒
不作瘡

有瘡癩茶毒重疊而生

晝夜苦痛不已者有直置頑鈍不知痛癢者其色亦有多種有青黃赤白黑光明枯暗此候雖種種狀貌不同而難療易療皆在前人不由醫者何則此病一

著無問賢愚皆難與語何則口順心違不受醫教直希望藥力不能求已故難療易療屬在前人不關醫藥予嘗手療六百餘人瘥者十分有一莫不一一親自撫養所以深細諮委之姑與其語覺難與語不受入卽不須與療終有觸損病旣不瘥乃勞而無功也又神仙傳有數十人皆因惡疾而致仙道何者皆由割棄塵累懷穎陽之風所以非止瘥病乃因禍而取福也故余所覩病者其中頗有士大夫乃至有異種名人及遇斯患皆愛戀妻孥繫著心髓不能割捨直望藥力未肯近求諸身若能絕其嗜慾斷其所好非

但愈疾因茲亦可自致神仙余嘗問諸病人皆云自作不仁之行久久並爲極猥之業於中仍欲更作云爲雖有悔言而無悔心但能自新受師教命食進藥餌何有不除余以貞觀年中將一病士入山教服松脂服至百日鬚眉皆生由此觀之惟須求之於己不可一仰醫藥者也然有人數年患身體頑痺羞見妻子不告之令知其後病成狀貌分明乃云犯藥卒患此皆自誤然斯疾雖大療之於微亦可卽瘥此疾一得遠者不過十年皆死近者五六歲而亡然病者自謂百年不死深可悲悼一遇斯疾卽須斷鹽常進松

脂一切公私物務釋然皆棄猶如脫屣凡百口味皆須斷除漸漸斷穀不交俗事絕乎慶弔幽隱巖谷周年乃瘥瘥後終身慎房事犯之還發茲疾有吉凶二義得之修善卽吉若還同俗類必是凶矣今略述其由致以示後之學者可覽而思焉

藺豆治惡疾方

用細粒烏豆擇取摩之皮不落者取三月四月天雄烏頭苗及根淨去土勿洗搗絞取汁漬豆一宿漉去曝乾如此七反始堪服初服三枚漸加至六七枚日一服禁房室猪魚雞蒜畢身毛

髮即生犯藥不瘥

衍義 蔞豆色黑通腎製以雄烏力破風毒故治大風惡疾為之首推

岐伯神聖散 治萬病癰疽癩疥癰風痿骨肉疽

敗百節痛眉毛髮落身體淫淫躍躍痛癢目痛

背爛耳聾齒齲痔瘻方

天雄 附子 茵芋 外臺作茵艸

躑躅 細辛 烏頭

石南 乾薑 蜀椒

防風 菖蒲 白朮

獨活 各三兩

右十三味治下篩酒服方寸七日三勿增之

衍義 驅除風毒之峻藥萃聚方中非岐伯不能創立非

千金不能效用然惟形勝氣實邪正俱旺者為宜

狼毒散 治惡疾方

狼毒 秦艸 等分

右二味治下篩酒服方寸七日三服五十日愈

衍義 狼毒殺蟲辟毒秦艸逐濕開痺允為癘風專藥

又方

煉松脂投冷水中二十遍蜜丸服二九遇饑即

服之日三鼻柱斷離者二百日服之瘡斷鹽及雜食房室又以天門冬酒服百日愈

何松脂祛風燥濕天冬酒服取其潤燥也

石灰酒 主生毛髮鬚眉去大風方

石灰

一石水并濕蒸令氣足

松脂煉成十斤為末

上麴

一斗二升

黍米

一石

右四味先於大鍋中炒石灰以木札著灰中火出為度以枸杞根剉五斗水一石五斗煮取九斗去滓以淋石灰三遍澄清以石灰汁和漬麴用汁多少一如釀酒法訖封四七日開服常令酒氣相及

為度百無所忌不得觸風其米泔及飯糟一事已上不得使人畜犬鼠食之皆令深埋却此酒九月作二月止恐隔上熟者服後進冷飯三五口壓之婦人不能飲食黃瘦積年及蓐風不過一石即瘡其松脂末初酸釀酒攤飯時均散著飯上待飯冷乃投之此酒飯宜冷不爾即醋宜知之

何

石灰烈火煨出性最暴劣故本經治疽瘍瘰癧惡瘡痼疾死肌墮眉殺蟲去黑子息肉松脂慣歷風霜質稟剛燥故本經治癰疽惡瘡頑瘍白禿配以枸杞根之甘寒本經有五內邪氣熱中消渴周痺

風濕久服堅筋骨之治用以釀酒能生眉髮非去
大風之明驗乎

治大風眉髮落赤白癩病八風十二痺筋急肢節
緩弱飛尸遁症水腫癰疽疥癬惡瘡脚攣手折
眼闇洞泄痰飲宿癖寒冷方宜

麴二十斤

商陸根二十斤

馬耳切

右三味合於甕中水一斛漬之炊黍米一石釀如
家法使麴米相淹三酸畢密封三七日開視麴浮
酒熟澄清温服三升輕者二升藥發吐下為佳宜
食軟煮飯牛羊鹿羹禁生冷醋滑及猪犬雞魚等

衍義

前石灰酒治大風頑痺此商陸酒治大風濕爛方
中馬耳恐是蒼耳之誤然惟血氣未憊形體浮腫
可勝蕩練者宜之

治風身體如蟲行方

用鹽一斗水一石煎減半澄清温洗浴三四遍
并療一切風

又方

以淳灰汁洗面不過一月

又方

以大豆漬飯漿水旦旦温洗面洗頭髮不淨加

少麵勿以水濯之不過十度

又方

成煉雄黃松脂等分蜜和丸如梧子大飲下十

丸日三服百日愈慎酒肉鹽豉等

衍義

鹽湯浴體取其導水 灰汁洗面取其逐濕 一豆

漬漿水取其解毒 雄黃松脂燥濕通痺大風惡

疾之專藥也

孫真人千金方衍義卷二十三 終

3

